

## UGOVOR

**o kupoprodaji audio-vizuelne opreme sa uslugom ugradnje i puštanja u rad  
(realizacija projekta „Strengthening capacities and digital competences in biomedical education  
through internationalization at home – BIOSINT“)**

Zaključen između:

1. **UNIVERZITET U TUZLI**, ul. dr. Tihomila Makovića br. 1., ID broj: 4209444710005, koga po punomoći Rektorice Univerziteta u Tuzli broj: 01-1424-1/24 od 13.03.2024. godine zastupa direktor za ekonomske poslove Alden Osmanbegović, dipl. oec. (u daljem tekstu: Kupac) i
2. **“NEONETX” d.o.o. Tuzla**, ul. Krečanska 23., ID broj: 4209873750007, kojeg zastupa direktor Asmir Nuhanović (u daljem tekstu: Prodavac)

### Član 1.

Ugovorne strane saglasne su da Prodavac za potrebe Kupca isporuči audio-vizuelnu opremu sa uslugom ugradnje i puštanjem u rad iste, u cilju realizacije projekta „Strengthening capacities and digital competences in biomedical education through internationalization at home - BIOSINT“ (u daljem tekstu: oprema) u svemu prema Otvorenom postupku Kupca broj: 01-172-JN-2/24 od 19.09.2024. godine, objavljenom na Portalu javnih nabavki, obavještenje broj: 795-1-1-121-3-117/24 od 01.10.2024. godine, sažetku obavještanja objavljenom u “Službenom glasniku BiH” broj: 67/24 od 04.10.2024. godine i web stranici Univerziteta, Specifikaciji opreme/Obrascem za cijenu ponude i ponudi Prodavca broj: 118/24 od 14.10.2024. godine, koja čini sastavni dio ovog Ugovora.

### Član 2.

Prodavac se obavezuje da kompletnu opremu iz člana 1. ovog Ugovora istovremeno isporuči, ugradi i pusti u rad u roku od 30 (trideset) dana od dana zaključenja ovog Ugovora.

Prodavac je dužan da isporuči opremu koja je nova, nekorištena i u originalnom pakovanju i koja zadovoljava sve tražene uslove u pogledu tehničke specifikacije i kvaliteta.

Isporuku opreme Prodavac će izvršiti o svom trošku fco. objekat Medicinskog fakulteta Kupca, koji se nalazi na adresi ul. Univerzitetska br. 1 u Tuzli.

Ako Prodavac ne isporuči opremu, ugradi i pusti u rad u roku iz stava (1) ovog člana, Kupac ima pravo jednostrano raskinuti ovaj Ugovor na način propisan ovim Ugovorom i od Prodavca zahtijevati naknadu štete.

### Član 3.

Za isporučenu kompletnu opremu sa ugradnjom i puštanjem u rad iste iz člana 1. ovog Ugovora Kupac će Prodavcu isplatiti ukupnu cijenu u iznosu od 41.700,32 KM (slovima: četrdesetjednuhiljadasedamstotina i 32/100 konvertibilnih maraka) bez uračunatog PDV-a, odnosno 48.789,37 KM (četrdesetosamhiljadasedamstotinaosamdesetdevet i 37/100 konvertibilnih maraka) sa uračunatim PDV-om.

Cijena iz predhodnog stava ovog člana je nepromjenjiva i određena je za svu opremu navedenu u ponudi Prodavca po ponuđenim jediničnim cijenama.

### Član 4.

Ugovorenu cijenu iz predhodnog člana ovog Ugovora Kupac će uplatiti na transakcijski račun Prodavca broj: 338300-2261814979 koji se vodi kod UniCredit Banke u roku od 30 (trideset) dana od dana prijema uredno ispostavljene Fakture za isporučenu opremu i obostrano potpisanog zapisnika o primopredaji opreme bez primjedbi.

Prodavac je saglasan da Kupcu neće zaračunavati zatezne kamate za kašnjenje u plaćanju preko „Trezora TK-a“, ako je Kupac u ugovorenom roku predao nalog za plaćanje a Prodavac primio uplatu sa odgodom od jednog ili više dana od ugovorenog roka iz stava 1. ovog člana.



#### Član 5.

U slučaju kašnjenja u isporuci u odnosu na rok utvrđen u članu 2. stav (1) ovog Ugovora, Prodavac će platiti ugovornu kaznu u iznosu od 0,03 % vrijednosti opreme, za svaki dan zakašnjenja, s tim da ukupan iznos ugovorne kazne ne može preći 5 % od ukupno ugovorene vrijednosti. Prodavac je dužan platiti ugovornu kaznu iz predhodnog stava u roku od 7 (sedam) dana od dana prijema zahtjeva za plaćanje od Kupca.

Kupac neće naplatiti ugovornu kaznu ukoliko je do kašnjenja došlo usljed više sile. Pod višom silom se podrazumijeva događaj koji se nije mogao predvidjeti u trenutku zaključenja Ugovora, svaki slučaj kada ispunjenje obaveze postane nemoguće zbog vanrednih vanjskih događaja na koje Prodavac nije mogao uticati niti ih predvidjeti (događaj mora biti za subjekt neočekivan, izvanredan, nepredvidiv).

#### Član 6.

Prodavac je dužan da dostavi Kupcu serijske brojeve za opremu iz člana 1. ovog Ugovora i to najmanje 3 (tri) radna dana prije planirane primopredaje opreme.

U slučaju da Prodavac ne postupi na način iz stava (1) ovog člana Kupac ima pravo odbiti primopredaju opreme.

U slučaju da Kupac odbije primopredaju opreme iz razloga jer Prodavac nije postupio u skladu sa stavom (1) ovog člana računat će se da isporuka opreme nije izvršena, te ukoliko dođe do prekoračenja roka za isporuku iz člana 2. stav (1) ovog Ugovora Kupac ima pravo jednostrano raskinuti ovaj Ugovor i od Prodavca zahtijevati naknadu štete.

#### Član 7.

Za realizaciju ovog Ugovora, od strane Kupca će biti formirana Komisija za primopredaju opreme i praćenje realizacije ugovora. Komisija će biti formirana donošenjem posebnog rješenja koje će biti dostavljeno Prodavcu po zaključenju ovog Ugovora. O izvršenoj primopredaji opreme sačinjit će se zapisnik koji će potpisati predstavnici obje ugovorne strane.

Zapisnikom o primopredaji opreme će se konstatovati: datum primopredaje opreme; naznaku: vrste, modela, tehničkih karakteristika, količine i drugih bitnih elemenata za isporučenu i ugrađenu opremu te konstatovati da je ista u cjelosti isporučena, ugrađena i puštena u rad u skladu sa Otvorenim postupkom, Ponudom Prodavca i ovim Ugovorom.

Ukoliko se prilikom primopredaje isporučene opreme utvrdi da ista ne odgovara traženoj vrsti, modelu, tehničkim karakteristikama, kvalitetu i količini Kupac zadržava pravo da odbije prijem iste i zahtijeva otklanjanje uočenih nedostataka te o tome sa ovlaštenim licima Prodavca sačini Zapisnik.

U slučaju da se prilikom primopredaje, nedostaci nisu mogli uočiti uobičajenim pregledom, Kupac je o istima dužan, u pismenoj formi, obavijestiti Prodavca u roku od 8 (sedam) dana od dana kada je nedostatak uočio.

#### Član 8.

Nedostatke utvrđene prilikom primopredaje odnosno nedostatke o kojima ga je Kupac obavijestio u roku iz stava (4) predhodnog člana, Prodavac je dužan otkloniti u daljem roku od 7 (sedam) dana.

Ukoliko Prodavac ne otkloni nedostatke u roku iz predhodnog stava, dužan je zamijeniti opremu s nedostatkom drugom istovjetnom novom ispravnom opremom. Ukoliko Prodavac nije u mogućnosti otkloniti nedostatke ili opremu zamijeniti novom istovjetnom ispravnom opremom dužan je vratiti plaćeni iznos Kupcu.

Kupac u svakom od ovih slučajeva zadržava mogućnost prava jednostranog raskida ugovora i od Prodavca ima pravo zahtijevati naknadu štete.

#### Član 9.

Garantni rok za isporučenu opremu iznosi 24 (dvadesetčetiri) mjeseca i isti teče od dana obostranog potpisivanja zapisnika o primopredaji opreme bez primjedbi.

Prodavac je dužan da obezbjedi servis na opremi za period od minimalno 24 mjeseci od izvršene primopredaje opreme.



U garantnom roku zamjene, popravke, otklanjanje kvara i nedostataka na isporučenoj opremi padaju na teret Prodavca.

Prodavac je dužan svu dokumentaciju o isporučenoj opremi, sa garancijom, uputstvima i atestima, pribaviti i predati Kupcu prilikom primopredaje opreme.

#### **Član 10.**

Ako u toku garantnog roka nastane kvar na isporučenoj opremi Prodavac je dužan odazvati se i u ovlaštenom servisu otkloniti nastali kvar u roku od 45 (četrdeset) dana od dana zaprimljenog pismenog poziva Kupca.

Ukoliko Prodavac ne otkloni kvar u roku iz prethodnog stava ovog člana, dužan je Kupcu isporučiti novu opremu istovjetnu isporučenoj opremi ili novu opremu boljih karakteristika, koja je ispravna, u daljem roku od 30 (trideset) dana.

U slučaju da je kvar takve prirode da se ne može otkloniti za manje od 10 dana, Prodavac se obavezuje za period otklanjanja otklanja kvara kod ovlaštenog servisa, Kupcu staviti na raspolaganje zamjensku opremu istih ili boljih karakteristika koja ostaje kod Kupca do otklanjanja kvara kod ovlaštenog servisa ili do isporuke nove opreme istih ili boljih karakteristika, u roku od 10 (deset) dana od dana prijema Obrasca za prijavu kvara.

Obrazac za prijavu kvara se dostavlja putem elektronske pošte od strane ovlaštenih zaposlenika Univerziteta u Tuzli.

Troškovi prevoza opreme do ovlaštenog servisa padaju na teret Prodavca.

Kupac ima pravo jednostrano raskinuti ugovor, bez posebnog obavještenja ili pisane opomene Prodavcu, ukoliko prodavac ne izvrši obaveze ili ih ne izvrši u rokovima iz stava 1., 2. i 3. ovog člana i zahtijevati od Prodavca naknadu štete.

#### **Član 11.**

Cijena ponude, kao i uslovi utvrđeni u tenderskoj dokumentaciji, ne mogu se mijenjati za vrijeme trajanja ovog Ugovora.

Izuzetno od člana 3. stav (2) i stava (1) ovog člana ovaj Ugovor se može izmjeniti tokom njegovog trajanja ako su kumulativno ispunjeni sljedeći uslovi:

- a) do potrebe za izmjenom došlo je zbog okolnosti koje pažljiv i savjestan Kupac nije mogao predvidjeti;
- b) izmjenom se ne mijenja cjelokupna priroda ugovora;
- c) svako povećanja cijene nije veće od 30% vrijednosti ovog ugovora i ne može imati za cilj izbjegavanje primjene Zakona o javni nabavkama.

Izmjena ugovora u smislu stava (2) ovog člana nije moguća ako je riječ o povećanju cijena do 5% vrijednosti ovog ugovora.

Izmjena cijena može se zahtijevati samo za razliku u cijeni koja prelazi 5%, osim ako je do povećanja cijena došlo poslije Prodavčevog dolaska u docnju.

Ako je učinjeno nekoliko uzastopnih izmjena, ograničenja iz stava (2) tačka c) ovog člana procjenjuje se na osnovu neto kumulativne vrijednosti svih uzastopnih izmjena.

U procesu izmjene ugovora, ugovorna strana koja podnosi zahtjev za izmjenu dužna je ugovornoj strani mora osigurati dokaze, u pisanoj formi, koji potvrđuju postojanje činjenica i okolnosti iz stava (2) ovog člana, na osnovu kojih se izvršava izmjena ugovora, te iste dostaviti drugoj ugovornoj strani.

Ugovorna strana koja je zaprimila zahtjev za izmjenu ugovora cijeneći navode iz zahtjeva i zaprimljene dokaze odlučuje o prihvatanju istog, te u roku od 10 (deset) dana od dana zaprimljenog zahtjeva obavještava suprotnu ugovornu stranu o svojoj odluci.